



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 4. Romani rebellant.

---

[urn:nbn:de:hbz:466:1-66385](#)

Sæcul. XII. cogeret. Revera etiam Episcopi contra  
A.C. 1111. id Papæ promissum reclamabant.

## §. IV.

*Romani rebellant.*

*Chron. Caff.* Romani igitur, cum audissent Papam  
6. 39. esse captivum, tantus eorum animos

tumultus & indignatio occupavit, ut protinus Germanos omnes, qui vel orationis, vel alterius cujuscunque negotii causa urbem ingressi fuerant, necarent. Postera die ex Urbe erumpentes consta pugna plurimos de Imperatoris exercitu obtruncant, & spolia cæsorum corporibus detrahunt. Mox acrius restaurato prælio Teutones e porticu S. Petri pæne propellunt, ipsum Imperatorem equo dejiciunt & in facie vulnerant. Quod ubi Otto Comes Mediolanensis conspexit, se se pro Imperatore morti objiciens equum illi suum, ut evaderet, admovet. Nec mora Otto a Romanis capitur, ac in urbem deductus minutatim conciditur. Ejus carnes in platea canibus devorandæ relictæ sunt. Nihil nisi ingruentes noctis tenebræ in mutua cæde insanientes dividere potuit, inclinante ad Romanos victoria. Ergo Germani se se in castra receperunt, & bium integrum ad omnem hostium motum intenti arma ponere non ausi sunt.

Adve-

Adveniente nocte Joannes Tusculanus Episcopus Populum Romanum ad Sæcul. XII. Concionem vocatum alloquitur in hunc modum: *Quamquam, carissimi filii, alacritati virtutique vestræ stimuli exhortationum admovendi non sint, cogitate tamen, quam necessarium quam gloria plenum susceperitis bellum. Pro vita enim vestra, pro libertate, pro honore, pro defensione Apostolicæ Sedis pugnatis. Filii vestri contra fas & omnium gentium iura tenentur in vinculis, Petri Apostoli Basilica, toto orbe terrarum venerabilis, armis, cadaveribus, sanie & cruento plena est; quæ unquam audita est immanior pestis? Pontifex Apostolicæ Sedis a barbaris hominibus vindictus custoditur. Omnis Ordo Sacerdotalis, tota Ecclesiastica Dignitas, carceri ac tenebris addicta est. Ipsa prorsus Mater Ecclesia attrita gemit, imploratque opem vestram. Ergo toto animo, totis viribus periclitanti succurrите; nam si hostes vos viros esse cognoverint, non pugnam, sed fugam parabunt. Tandem ut promptiores ad ulciscendum tantum scelus arma capiatis, spem & fiduciam nostram in misericordia Dei & Beatorum Apostolorum Petri & Pauli ponentes ab omnibus vos peccatis absolvimus.* Hac oratione Romani vehementer accensi, omnes adversus Imperatorem Henricum se Sacramento constringunt, eun-

O 3

Eos,

**Sacul. XII.** Etos, qui se in hoc bello adjuvarent, pro  
**A.C.1111.** fratribus habituri,

Ubi Regi nunciatum est, Romanos ad bellum propulsandum animos obfirmasse, eadem nocte ex Ecclesia S. Petri profugiens Pontificem secum abstraxit, quem post biduum Sacris vestibus exui & funibus vinciri jussit; trahebantur etiam Clericorum Laicorumque plurimi vinculis consticti. Porro nemini Latinorum Pontificem alloqui licebat, sed honorifice custodiebatur ab Optimatibus Germanis, quorum princeps Udalricus Patriarcha Aquilejensis erat. At vero Contadus Archiepiscopus Salisburgensis, cum captum vindictumque fuisse Summum Pontificem palam indignaretur, tantam Regis iram in se concitavit, ut compluribus annis, si mortem vellet effugere, ei in variis locis exulandum fuerit. (\*) Interea Episcopus Tusculanensis, datis ad omnes amicos epistolis, Fideles ad auxilium contra hostes Ecclesiæ accelerandum permovere conabatur.

Quam-

(\*) De Conrado Archiepiscopo Salisburgen-  
si Eminentissimus Baronius ex Ottone Frisingensi  
haec verba inseruit: *Cui (Conrado Archiepisco-  
po) dum quidam ex Ministris Regis, Henri-  
eus cognomento, Caput evaginato gladio mor-  
tem interminaretur; tanquam pro Justitia  
mori*

Quamvis vero Henricus Rex agros Ro-<sup>Sæcul. XII.</sup>  
manorum depopularetur, ipsorumque A.C. I.I.I.I.  
animos nunc oblata pecunia, nunc do-  
lis tentaret, nihil eos a fide Pontifici  
data deducere valuit. Itaque variis sibi-  
que contrariis consiliis Henrici mens dis-  
trahebatur, & tunc quidem jurejurando  
commixtus ausus est, se Papam eosque,  
quos vinculis ligatos in sua potestate ha-  
bebat, vel interfectorum, vel membris  
truncaturum esse, sed tandem promisit,  
se omnes libertati redditurum, si modo  
Pontifex Jus investiendi ipsi indulgeret,  
affirmans se nolle vel Jura vel Officia Ec-  
clesiastica, sed solum Regalia seu Ditiones  
& Jura, Cæsareæ Majestati competentia,  
Clericis tribuere.

## §. V.

*Papa Jus investiendi Henrico Regi  
concedit.*

Diu relutatus est Pontifex, quod mal-  
let vitam ponere, quam pati, ut Ec-  
clesiæ jura violarentur; cum vero ami-  
ci vehementer rogarent, ut molliri se-

O 4                    sine-

---

mori optans, jugulum præbuit, malens, si ille  
minas ad effectum perducere voluisset, tempo-  
ralem vitam finire, quam tanti piaculi scelus  
dissimulare. Geterum non prius quam post no-  
vem annos ad suam Sedem Conradus reductus  
legitur.